



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1204. Usque Ad Annum 1230

Fleury, Claude

August. Vind. [u.a.], 1763

VD18 90118030

§. 40. Sententia Interdicti in Angliam lata.

[urn:nbn:de:hbz:466:1-66406](https://nbn-resolving.org/urn:nbn:de:hbz:466:1-66406)

Sæcul. XIII. vit in Domino; atque complura edita
 A.C. 1208. miracula tum viventis tum etiam defun-
 di precibus adscripta sunt.

§. XL.

*Sententia Interdicti in Angliam
lata.*

Sup. n. 1. *Math. Par.* *an. 1208.* In Anglia tres Episcopi Londinensis, E-
 lisiensis, & Wigorniensis, ut manda-
 ta Papæ exequerentur, Joannem Regem
 adeunt, quid Pontifex sibi præcepisset
 exponunt, atque inter lacrymas rogant;
 Archiepiscopum, & Monachos Cantua-
 rienses in Angliam revocaret, sicque &
 Potestati Regiæ præsentî, & salutî suæ
 æternæ consuleret. Rex in furorem æ-
 ctus totum eloqui Legatos non sustinuit,
 sed conviciis in Papam & Cardinales
 coniectis, per potentiam Dei juravit, si
 hi Episcopi vel alii Ditiones suas Inter-
 dicto subjicerent, se, omnibus Episcopis
 Clericisque Regni sui Romam ad Papam
 migrare compulsis, eorum bona omnia
 ærario suo addicturum. Adjecit, jussu-
 rum se omnes Romanos, in Anglia vel
 Normannia diversantes, effossis oculis,
 naribusque mutilatis, Romam remitti,
 ut his signis facilius ab omni alia gen-
 te dignoscerentur. Tandem tribus E-
 piscopis præcepit, e conspectu suo velo-
 citer se proriperent, si vitam amarent.

Reces-

Sæcul. XIII.
A.C. 1208.

Recesserunt illi, atque spe omni ab-
jecta, Regem converti posse, sequente
Quadragesima, die Lunæ post Domini-
cam Passionis, nempe, hoc anno millesimo
ducentesimo octavo, die vigesima quarta
Martii, totam Angliam censura Interdi-
cti constrinxerunt, quod summo rigore,
ut Papa districte præceperat, non ob-
stantibus privilegiis quibuscunque, ser-
vatum. Itaque omnes Sacerdotes in An-
gla cessarunt officiis suis fungi, si Con-
fessionem, Viaticum in articulo mortis,
& Baptismum parvulorum excipias. Vi-
ta defuncti extra civitates & pagos elati,
in viis publicis, & in foveis, sine præci-
bus, sine Presbyterorum ministerio se-
peliabantur, ut canes. Tres illi Episcopi,
promulgato Interdicto, videlicet Gui-
lielmus Londinensis, Eustaehius Elisen-
sis, & Malgerus Wintoniensis, ac cum
ipsis Joscelinus Bathoniensis & Ægydius
Herfordiensis clam ex Insula solverunt,
cum satius existimarent, Regis iram in-
terim effugere, quam in sterili Regione,
quia interdicta, commorari. Verum
hoc palliolo tecti Præsules, diu trans-
mare versati, omnis generis deliciis dis-
suebant.

Interea Rex Joannes, clamores po-
puli, ipsum mali auctorem deventis,
non ferens, Abbatem Bellilocensem ad
Papam misit, cum mandatis. Promit-

Hist. Eccles. Tom. XIX.

L te-

Sæcul. XIII. tebat vero, se Stephanum Langtonium
A. C. 1208. Archiepiscopum Cantuariensem rece-

Gest. Innoc. pturum, addens omnia ei Monachisque,
n. 132. quæ abstulerat, redditurum. Et quo-

II. ep. 89. 90. niam Rex necdum a se ipso impetrare
91. 102. poterat, ut cum Archiepiscopo in gra-

tiam rediret, nolebat ipse Regalia ei conferre, sed hanc provinciam ipsi Papa committebat; iis Pontifex, ut videretur, Stephanum investiret. Papa, acceptis conditionibus, Episcopis Londinensi, Elisiensi, & Wigornienti, datis literis, præcepit, ut postquam fidem Regis satis explorassent, Regalia Archiepiscopo conferrent, ad Ecclesiam suam deduci iuberent, & Anglos ab Interdicto absolverent. Hæc Papa Archiepiscopo, in Flandria causæ suæ eventum expectanti, perscripsit, monens; Regis amicitiam, quantum posset, excoleret.

Ceterum, quæ constituerant, nec Rex nec Pontifex executi sunt. At Rex Joannes pertimescens, ne in se nominatim Papa Excommunicationis sententiam denunciaret, & Angliæ Proceres a Fidei, sibi debitæ, juramento absolveret, se ipsum securum præstare voluit, saltem de illorum defectione, qui suspecti erant, & obsides petiit. Paruerunt complures, liberosque suos aut nepotes Regis Legatis tradiderunt. Alii obsequium detrectarunt, ac inter alios nobilis quæ-

Math. Par.
an. 1208.

dam matrona, id nomine Regis petenti- Sæcul. XIII.
 bus, respondere ausa est; nunquam se A. C. 1208.
 filios suos tradituram esse Principi, qui
 Nepotem suum jugulasset. Hæc res
 multo acrius quam antea Anglorum ani-
 mos in Regem accendit.

Ex interdicto haud parva incommo-
 da nascebantur. Cum sacrum Chrisma
 in Cœna Domini hoc anno millesimo du-
 centesimo octavo confici non potuisset,
 id, Presbyteris infantes baptizantibus,
 deficiebat; qua de re interrogatus Papa
 respondit, veteri Chrismate utendum
 esse, & si opus foret, ne omnino deesset,
 oleum manu Episcopi vel Presbyteri ad-
 dendum. Cum præterea Missæ non ce-
 lebrarentur, deerant Hostiæ, morienti- II. ep. 102.
 bus præbendæ. Ad quod Papa Innocen- ibid.
 tius respondit; Defectum Viatici per in Joann.
 fidem ægrotantium suppleri posse, atque tract. 25. n. 12
 huc adhibet illum S. Augustini locum:
Crede & manducasti. Tum Papa sub-
 jungit: *Si initio vivis Religiosis, se-*
eundum eorum privilegia, Officium di-
vinum ostiis clausis, voce demissa, cam-
panis non pulsatis, celebrare permissum
fuiſſet, id neutiquam improbassemus.
 Nihilominus cum delatum ad eum fuis- II. ep. 141.
 set, quædam Monasteria Cisterciensium ep. 259.
 defuisse Interdictum servare, & quidem
 aliqua suo arbitrio, alia ex mandato Ab-
 batis, toti illi Ordini præpositi, Episco-
 pis

Sæcul. XIII. A.C. 1208.
 pis Angliæ præcepit; de hac causa in-
 quirerent, reos suspensos Romam mitte-
 rent, ac Interdictum in eorum Monaste-
 riis servari curarent.

§. XLI.

Richardus, Pontificis Frater, Comes Soranus.

*Chron. Fossa
 n. 1208.*

Hoc anno millesimo ducentesimo octa-
 vo ineunte, nempe quinta Januarii,
 Soram urbem in Campania Abbas Mon-
 tis Cassini Germanis eripuit, sollicitante
 Innocentio Papa, qui in eo consilio Ri-
 chardi Fratris sui opera usus est. Trans-
 acto Festo Ascensionis, quod in diem de-
 cimam quintam Maji incidere, Papa,
 relicta urbe, Anagninam, ac exinde ad
 Monasterium Fossæ novæ venit, ubi die
 Mercurii, mensis Julii secunda, Richar-
 dus ejus frater, a Protonotario, quem
 Rex Fridericus Siciliae ad hunc Ritum
 miserat, insonante tuba, Comes Soranus
 proclamatus est. Nam Rex Siciliae Ri-
 chardo hunc Comitatum conferebat,
 quem a se & a Papa, supremis Dominis,
 teneret. Hæc dispicimus ex Actis præ-
 stiti homagii & fidei, quam Richardus
 Papæ sexta Octobris ejusdem anni ita
 promisit, ut etiam se Regi Siciliae subdi-
 tum & obedientem futurum esse profi-
 teretur.

*ap. Rainald.
 1208. o. 27.*

§. XLII.